

Deo optimo maximo uni & trino, Virgini Deiparæ, & sancto Lucæ orthodoxorum Medicorum Patrono. (1783)

Lvg 14 83

Q U Æ S T I O M E D I C A

Cardinalitiis disputationibus manè discutienda in Scholis Medicorum, die Jovis 24. Martii.

M. PETRO DAQUIN, Doctore Medico, Regis ordinario, & in horto Regio Professore botanico, Præside.

An Vere piscium esus salubris?

DIÆTA partium Medicinæ præstantissima & difficillima, nequiquam potest ægris, sanis, medioque modo se habentibus præscribi, nisi naturæ minister, imitator, & corrector Medicus, anni tempestarum potentiam probe teneat, non enim simile quid in illis existit, verum differunt invicem, propter varias quæ in eis fiunt mutationes: ventres alio modo se habent Vere ac autumno, æstate ac hyeme: Cibi substantia, quantitas, qualitas, utendi ratio animo perpendenda, cum calore nostro naturali eoque elementari comparanda. *ἔντα δυνάμεις, ἐντα ἰσχυρίσιν*, mediam consistentiam sortita, crassas ac tenuibus, Veris præsertim tempore præferenda: ab his modò refocillatur, modò fatiscit, suique jacturam patitur. Salubris cibus qui sanitatem conservat & efficit, pro variis temporibus varius exhiberi debet, talisque dicitur collatione tempestatis cum naturâ corporis nostri. Æstate & autumno alimenta sumi debent pauca, bona, & sæpè: hyeme multa, item Vere, at mediocriter nutrientia.

ALIMENTUM quicquid totius substantiæ familiaritate in corporis animati substantiam converti potest, veneno oppositum, (inter utrumque medicamentum obtinet locum) patiens & agens corpus est; quod sumitur ex plantis, animalibus, eorumque partibus ex quatuor elementis compositis actu remanentibus, non ex terrâ, aquâ, igne, aëre, binis & intensis qualitatibus affectis, nec imperfectè mixtis, ut meteoris & mineralibus; ex animalibus salubrius desumitur alimentum, quàm ex plantis, quòd à calore nostro subigitur, eumque auget hyeme & vere magis, quàm æstate & autumno. Pro vario syderum ortu, & occasu, à quibus discriminantur anni tempestates, calor vegetior imbecilliorque redditur, ut pro ratione locorum vita productior. Hyeme, ut Septentrionalibus longævis, intensus calor, bona concoctio. Æstate, ut Meridionalibus, utrumque debile. Autumno, ut Occidentalibus infirmis, inæqualis calor. Vere, ut Orientalibus, omnium saluberrimè vitam degentibus, temperatis, & quibus prolixior vita, temperatura media similibus conservanda.

ANIMALIA terrestria, volatilia, aquatilia, dedit natura hominibus pro escâ: è quovis genere, quæ in omnis excessûs mediocritate consistunt, eligenda. Aquatilia animalia bonitate terrestribus & volatilibus non sunt inferiora, hæc *ἀφωρα*, morbis ut reliqua non ita obnoxia, saluberrimum hominum corporibus sunt alimentum, minimè medicamentosum: pisces lacustres fluviatilibus cedunt, ut fluviatiles & *ἀνδρόγυοι*, marinis omnium saluberrimis, ex quibus saxatiles inter littorales & pelagios palmam obtinent, & qui præcipuè in Oceano, quàm in Mediterraneo degunt, *ἑνταίῳ*, non *ἑνθαίῳ*, cum avibus montanis comparandi, sanguinem consistentiâ medium generant, nec nimis tenuem, nec crassum, ægris etiam exhibendi, ut tertianâ exquisitâ laborantibus, picrocholis, calculosis. Nullum convenientius alimentum ubi natura mediâ, calor mediocris qualis Vere reperitur, non autumno, æstate, & hyeme, quæ anni tempestates *ἀκραι*, plurimis morbis obnoxia.

EX piscibus eligendi staturâ & ætate mediocres, non vetusti (excepto nullo) ex eorum partibus quæ exercitâtissimæ, ut caudam & dorsum spectantes, quæ caput, ventrem, & quæ ex his pingues sunt peiores: gravidi plurimi Vere sunt meliores, marini recentèr capti lepram inducunt, saliti non salitis insalubriores, molles & friabiles longè præstantiores glutinosis: quibus inculcata est valetudo iis pisces *ὁ τοῦ δούλου* maximè conveniunt, ut iussulenti ægrotis: à fartagine humiditas excrementitia piscium absorbuntur, eorum friabilior redditur caro, gustu suavior, concoctû & distributu faciliior, non absimilis illi quam gallinæ, capones, phasiani, perdrices, attagenes, columbæ; merulæ, turdi, turtures, passeruli suppeditant.

VER prima anni tempestas, quo tempore Mundus creatus fuit, ab æquinoctio verno incipiens, & in ortum pleiadum, æstatis initium desinens, omnium saluberrima, ut temperata non calida & humida, in quâ temperatis & eucharis est utendum cibis, non ita leguminibus, rectissimè piscibus, ex quibus tamen minùs laudandi qui duræ sunt carnis, ut dracones, cuculi, mustelli, pagri, muli, nam ægrè conficiuntur, succolque crassos in corpus distribuunt; at eligendi qui molli friabilique carne sunt præditi, lucii, gobiones, percæ, soleæ, passeræ, rhombi, barbata, aurata, post hos aselli, hamæ, jecorarii, cythari, umbræ; omnes isti faciliùs quàm cæteri concoquuntur, distribuuntur, & laudatissimum calori nostro pabulum præbent.

Ergo Vere piscium esus salubris.



Proponebat Parisiis DANIEL TAUVRY, Coenomanensis Lavalles, Baccalaureus Medicus. A. R. S. H. 1695.